

中国边疆研究资料文库·边疆史地文献初编

西北邊疆

第一輯

中国边疆研究资料文库·边疆史地文献初编

西北邊疆

第一輯

光緒乙酉年重鐫

西域記

聚英堂藏板

刻西域記序

王者疆理天下由中土以達化外皆有
記焉用以周知九州之故相其宜適而
施之政令西戎之域古肅州以南甘涼
洮龍鳳茂隆蜀邛雅梁雋等州之西並
西域也凡其邦國都鄙人民財用穀畜

之數要並圖職方茲土之列王會固已
遠矣昔禹平九州聲教所暨西被於流
沙流沙今甘州距陝省長安二十五日
里服之制去王城面二千里是爲荒服
其中若巴里坤若伊犁若撻拉巴哈台
若闐展等地性有善惡俗有淳靡自宋

明帝將征歸服風教遂通我

朝自

世祖章皇帝大定永清

聖祖仁皇帝續紹前徽文德武功經天緯地中

外禔福罔不率俾間有小醜跳梁旋即

底定至于今遐邇一體傾忱向化不敢

西域記

二

六

稍生覬覦之心猗歟休哉侯其禕而於
皇德盛化神無遠弗屆振綱飭紀萬邦爲懷
矣西域之記有大唐西域記爲唐釋元
奘撰後有佛國記爲宋釋法顯撰二者
皆記其異端之語吾儕忝居仲尼之徒
不可一日與聞也又有使西域記爲明

陳誠撰西使記爲元劉郁撰二書皆記
其涉歷於風土人情未免遺漏讀者不
無餘憾也 長白椿園先生居西域有

年攷其山川按其風土細情巨事筆之
于書歲久告成編分八卷元元本本無
不詳確校元樊諸書又高一算其間摭

事抒詞悉遵

定西域圖志尤足信今傳後而我

朝車書一統之盛亦于斯見焉是則先生

著書之志也夫抑余叅訂之志也夫

嘉慶十九年仲秋既望武寧盧浙容弁

氏書於味經軒

原序

地。在。天。之。中。彈。丸。耳。中。原。在。地。之。中。一。隅。耳。約。之。郡。邑。均。之。一。身。眇。然。一。塵。耳。而。目。能。視。若。或。見。之。從。目。治。目。域。于。形。隔。蔽。之。矣。而。耳。能。聞。眾。目。所。見。皆。可。因。響。以。得。其。情。從。耳。治。余。生。于。燕。長。遊。宦。于。秦。晉。齊。楚。吳。越。之。郊。轍。跡。幾。遍。南。及。嶺。表。東。越。醫。無。閭。渡。遼。水。而。嬉。壯。年。復。西。出。陽。關。逾。河。源。三。千。餘。里。而。居。于。殊。異。之。鄉。目。見。夥。矣。性。復。好。知。鄙。事。耳。聞。且。復。囁。然。中。國。九。州。紀。之。典。故。者。既。確。且。詳。而。伊。吾。以。西。不。常。見。于。簡。冊。列。史。所。載。証。以。目。之。所。見。既。多。翻。

輟而未安。意者滄桑之變。人事之各不相蒙耶。我

皇上神聖文武。卓越前朝。西陲疆域。開擴萬里。自古之險遠。不
到兇頑負固之地。莫不歸入版圖。而言語侏離。衣冠詭異。
之倫。罔不匍匐稽顙。隸諸臣僕。且懷

德畏威者。遍及于西海之濱。爰

命廷臣。緝纂圖誌。一時載筆之士。巨擘鴻裁。煌煌乎輝耀千古

矣。然里巷瑣屑之事。殊方猥鄙之情。或棄擲而不言。或採
擇所弗及。而遊于其地者。歸述于人。非附會之失真。卽抑
揚之過當。最足以誤聽聞。余居其地最久。攷究最詳。于是

不辭冗俚。作爲是編。目見存矣。而耳之所聞。少無可據。則置之。旣無左氏浮誇之才。敢爲鄒衍荒唐之論哉。
乾隆四十二年歲次丁酉十二月十有九日椿園七十一
序于復四山房

輿圖

國家平定準噶爾之地測量星野攷稽古典易其名曰伊犁
曰烏魯木齊及平西域諸回部自嘉峪關外舊部若哈密
若闐展若土爾番新疆若哈拉沙拉若庫車若阿克蘇若
烏什若喀什噶爾若葉爾羌若和闐咸入版圖均爲內地
繪其大略以見

聲教之所訖焉



